

Известия

ВКП(б)-лэн Удм. АССР-ысь
Ярской райкомезлэн
но РИК-лэн органзы

Адрес: пос. Яр, Удм. АССР
Телефон № 43. Дурыз 5 копейка
11-тй арзэ потэ.

Бусын, МТС-ын но колхозын умой ужаса юрттомы Красной Армии но Флоты тушмонэз быдтыны

ТУШМОНЭЗ ВОРМОН ПОННА ВАНЬМЫ УМОЙ УЖАЛОМЕ

Асьме яратонь родинамы вылэ германской фашизм войнаен лыктэм сярысь иворез вань советской калык баддым йркурен но вожпотонэн пумитаз. Советской правительстволэн но солэн главаезлэн Сталин эшлэн косэмзыя Молотов эшлэн радио пыр верамез кужмо бтён куараен жынгыртыз, вёлмиз. Родина понна, дан понна, эрик понна асьме калык нош ик жутскиз священной отечественной война нуыны.

Котькуд советской адямилэн германской фашизмез жугыны, быдтыны выльсь войнае мынэмез потэ. Со сярысь зерало райвоенкоматэ вуылэм куриьскон'ёс. Война кутскем бере райвоенкоматэ кажной нунал трос но трос куриьскон'ёс вуыло. Сюосын советской патриот'ёс добровольно Красной Армии мыныны куриьскон сёто. Соос пöльсь кöвязеке ми туннэ газетамы но печатласькомы.

Войнае мынэм пиос'ёсты нылкышноос вошто. Тани, кнзыы гожтэ редакция лэзем аслаз гожтэз уг сыло. Трактор'ёс вылэ пуксызы нылкышноос—трактористкаос, куд'ёсыз та берло ар'ёсы тракторен ужамысь дугдэмын ни вал".

Озы ик Мосеевской школын дышетскем пинал'ёс милемлы гожто: „Ми умой валаськомы, что война зöкелзэсь но, пöчиезлэсь но

кулэ каре умой ужамзэ. Гужем уж'ёсты быдэс'яны ми асьме колхоз'ёсмылы юрттом. Ас сьбрамы öтиськом районьсь вань пинал'ёсты—школьник'ёсты“.

Советской калык зöкез но, пöчиез но асьсэлэн ужан интыосазы эшшо но умой ужаны басьтисько. Соос али ужало ноку но вылымтэ жутиськем мылкыдэн. Озы ужаса районьсьтымы колхозник'ёс но колхозницаос турнаез, ю октон-калтонэз но мукет сыче пöсь сельскохозяйственной уж'ёсты дырыз дыр'я быдэстозы. Соос тушмонэз вормон понна Красной Армии вань кулэ продукт'ёс сётэзы. Германской фашизмлы уз кылды советской калыклэсь шудо но шулдыр улонзэ таланы. Со одно ик пазьгемын луоз.

Советской калык большевистской партилэн кивалтэм улсаз котьмае но котькыче тушмонэз ворме. Ужасьёс, служащейёс, интеллигенция, колхозник'ёс но колхозницаос зöк куараен верало: германской фашизмлы милям ответмы—тушмонлы бырон: Асьмелэн лозунгымы вормон! Та лозунг'ёс улсын вань советской калык эшшо но юн огазаяське большевистской партия котыре, Сталин эш котыре. Советской калык аслаз вормонэзлы мур оске.

Ойдоле колхозник'ёс но колхозницаос, тушмонэз жоггес вормон понна эшшо но кужмо ужаломе, вань бусы уж'ёсты но мукетэ выльй зечлыко но дырыз дыр'я быдэс'яломе. Сое куре тилесытд асьме советской правительствомы.

Вань уезз умой быдэс'яны юрттомы колхозлы

Московской областсьсь, Мытищинской районьсь, Молотовлэн нимыныз нимам рупасовской артельсьсь пинал'ёслэн гожтэты.

Ми неполной средней школалэн витетй, куатетй но тямьсэти класс'ёсаз дышеткисьёс ваньмы, испытание сётэм бере, гужем шутэтскон дырмес асьмелэн колхоз'ёсамы ужаса ортчытомы. Гужем колхозын уж ми понна но ичи уг луы.

Бусын ужаськом ми нуналымсь. Со дыре милемен плодовой питомниксь 78 сюрс яблок выжы утятэмьн ни. Али ми колхозлы юрттиськом сельскохозяйственной вредительёсын нюр'ясыкыны, быдтиськом кубисьта сиысь кут'ёсты. Соослэсь ог гектар тыр кубисьтаез сюзям ни.

Уж милям мынэ умой, куспамы тупаса ужаськом. Бусыосы жуг-жаг турын потыз ке, ми сое урыны кутском, жуг-жагы кизем юзз быдтыны дарман ум сётэлэ. Жуг-жагез уронэн чош ву киськан нуом, ю няньлэн вредительёсынызы нюр'яськом.

22-тй июне ми кылмы радио пыр Молотов эшлэсь выступленизэ, кудаз со вань советской калыклы ивортыз, что асьме яратонь родинамы вылэ германской фашизм войнаен лыктыз. Ми оскиськомы асьме доблестной Красной Армиылэн вормонэзлы, кудыз вань калыкен чош германской фашизмез назьгоз но асьмелэсь священной муз'еммес возьмалоз. Но ми валаськом, что война трос калыклэсь кужымзэ куроз.

Тросэзлэн милям айыосмы но брат'ёсмы асьме ро-

динамес возьман понна Красной Армии мыно.

Тушмонэз жоггес вормон понна, вань колхозник'ёс но колхозницаос асьсэлэн бусыосазы ужано луо эшшо но юнгес, эшшо но организованногес. Ми, пинал'ёс, озы ик мылкыд каримы асьме айыосмылэсь, муыосмылэсь кылэнтэм выльсь, колхозной бусыосын ударно ужаломы.

Ми пöльсь тросэз али ик нуналлы тупатэм ужан нормаз мултэсэн быдэс'яны. Бусын ужаны ми дышимы ни, табере кыл сётиськомы нуналлы тупатэм нормаез не только тырмыт'яны, но одно ик мултэсэн быдэс'яны. Озы ужаса вань колхозник'ёсын но колхозницаосын чош выль ю-нянь бастон понна нюр'яськом.

Милям айыосмы но брат'ёсмы, куд'ёсыз мыныло фронтэ, одйг но медаз малпаськелэ колхозной ю нянез октон-калтон сярысь. Соос кышкатек но оскыса мед мынозы асьме родинамы понна войнае, а ми татын, ас гуртамы, воштом со осты, ю р т т о м колхозлы вань уезз умой но дыраз быдэс'яны. Ми öтиськомы вань колхозник'ёслэсь пинал'ёссэс—озы ик, кызы ми, асьсэлэн колхоззылы бусы уж'ёсты быдэс'яны юрттыны.

Звеньевой **Нина Захарова.**
Пинал'ёслэн звенозылэн

член'ёсыз: **Я. Голов, Н. Баутина, Н. Данина, П. Савичева, Т. Пучнова, В. Власова, И. Баутин, И. Власова, Н. Данина, С. Угольников, Л. Конягин, Л. Конягина.**

Сэрыт ужаны кутском

Международной положение сярысь доклад кылзиськыса, чугун сюрес вылэ выжлэстыоньсь ужасьёс но служащейёс одйг кылысь-ымысь веразы, что фашизмез пазьгон понна эшшо но умой ужалом, кулэ дыр'яз войнае мыныны котьку дась луом.

Германской фашизмлы, урмем пунылы вань советской калыклэн одйг ответэз, сое кызы ке но жожен быдтон. И со уж выльы быдэстэмын луоз, германской фашизм пазьгиськоз.

П. Логинов.

Колхозлы юрттом ужаны

Али мынэ германской фашизмен война. Ми умой валаськомы, что войнае пиос'ёс мынэмен колхоз'ёсын ужась кужым синэ. Нош со колхозной уж'ёсты дыраз быдэс'янез жегатыны но кызы но уг быгаты. Малы ке шуоно, колхозэ кылэм калык 3—4 полэс кужмогес ужаны басьтиське.

2-тй июле ми Байдалино НСШ-ын дышетскем пинал'ёс огазе люкаськыса, кема малпамы германской фашизмез пазьгон понна Красной Армии маин ке ик юрттыны быгатоно вал шуыса. И одйг кылысь-ымысь соглаш луимы, колхозын умой но честно ужаса колхозлы ужаны юрттыны. Со милям луоз Красной Армии юрттэммы.

Тй но пинал'ёс, дырдэс шудыса гинэ, токмаен эн ортчытэлэ. Колхозлы бусы уж'ёсты быдэс'яны юрттэлэ.

Пинал'ёслэн-школьник'ёслэн косэмзыя гожтиськыны:

З. Барышнинова, Р. Булданова, М. Ившина, В. Пашкина но Владыкина.

ФРОНТЭ МЫНЬСЬ ТРАКТОРИСТ'ЁС ИНТЫЕ НЫЛКЫШНООС ПУКСЁ

Немецкой фашистской брндит'ёсын война кутскем бере, родинамес возьман борды странаьсьтымы вань трудящей калык султэ. Рабочийёс, колхозник'ёс, трудовой интеллигенция—ваньмыз родина азын асьсэлэсь священней долгэс быдэстыны, вань трудящей калыклэсь адзонтэм тушмонзэ—Гитлерез быдтыны фронтэ кошке.

Мынам, Яр МТС-ысь 3-тй номеро тракторной бригадысьтым Тебеньков Андрей, Семакин Кузьма но Владыкин Семен тракторист'ёс озы ик фронтэ мынйзы.

Фронтэ кошкем эш'ёслэн трактор'ёссы тэк уг сыло. Трактор'ёс вылэ пуксызы колхозницаос-трактористка-

ос, куд'ёсыз та берло дыр'ёсы тракторен ужамысь дугдэмын вал.

—Трактор'ёсты тэк сылытыны уг луы таёе дыре,— шуизы соос мон доры лыктыса.—Тракторез ужатоно сомьнда, кöня сое ужатыны луэ. Со фашизмез быдтыны баддым юрттэт луоз.

Тебеньков Андрей Николаевич трактористэз воштыз Семакина Елена Даниловна, Семакин Кузьмаез—Жвакина Александра Семеновна, Владыкин Семенез—Веретенникова М а р ф а трактористкаос.

Мынам бригадысьтым трактор'ёсы одйгез но ужатэк уз сылэ. Котькуд фронтэ мынэм трактористэз воштыны лыктозы сюэн лыд'яськысь егит нылкыш-

ноос—колхозницаос. Али мон аслам бригадаям дасьяско запас трактористкаосты. Али бригадаям прицепщик луыса ужало но тракторез изучать каро Яковлева Вера Васильевна, Семакина Зоя Федоровна, Яковлева Мария Ивановна колхозницаос. Соос тракторе пуксыны туннэ ик дасэсь ни.

Мон оскисько районьсьтымы котькуд колхоз'ёсысь нылкышноос выль верам нылкышноослэсь пример басьтыса, трактор вылэ пуксёзы, тракторез мылысь-кыдысь изучать карозы шуыса. Озы соос дась луозы фронтэ кошкысь тракторист'ёсты воштылыны. **Я. Сайданов,** Яр МТС-ысь 3-тй номеро тракторной бригадалэн бригадирез.



Одесской пригородной районьсь 2-тй номеро молочной совхозын ю октон-калтон азелы дасьяськон.

СУРЕД ВЪЛЫН: нырысь радын комбайнер Антон Кукла аслэстыз ужано комбайнзэ тупат'я. Соин артэ—совхозлэн механиккес А. А. Мардань—1941 арын ВСХВ-ын участвоват карись.

